

أهل السنة والجماعة سباکاي تالي قیلامت

قندهولوان

فرمان الله دالم القرآن، سورة ال عمران ايات ۱۰۳:

وَأَعْتَصِمُوا بِحَبْلِ اللَّهِ جَمِيعًا وَلَا تَفَرَّقُوا

"هندقله کامو سکالین برقکع تکوه دشن تالي الله دان جاعنله کامو برقچه -بله"

منوروت ابن مسعود یغ دمقصودکن دشن تالي الله اياه القرآن. دالم روايات یغ لاءین، "حبل الله" دتفسیرکن سباکاي الجماعة. سمنتارا أبو جعفر منتفسیرکن سباکاي اکام الله، (دين الله).

دالم هوراین ۲ بریکوت اکن دجلسکن بهاوا کسموا معنی ترسبوت مروجوع کفد کفهمن دان قکشن أهل السنة والجماعة دالم معحياتي اکام یغ دتورونکن اولیه الله تعالی سقرتي یغ دسمفیکن اولیه رسول الله صلی الله علیه وسلم.

القرآن دان السنة سومبر ترتیغکي اکام اسلام

سسواتو یغ تیدق دقرتیکایکن دالم کالغن اومت اسلام اياه بهاوا القرآن دان السنة اداله مروفاکن سومبر روجوعن ترتیغکي باکي اکام اسلام. دشن دمکین، دمان قولاً کدودوقن فهمن أهل السنة والجماعة سباکاي تالي قیلامت؟ سلقس کوفاتن رسول

الله صلى الله عليه وسلم، اومت إسلام ممثلا جري علمو اکام دان حکوم-حکام
ملالوئي قارا علماء دري کلغن قارا صحابة.

منوروت ابن حزم، ستله دبوات قنلיתين دداقتي بیلغن قارا صحابة یغ ممبري
فتوی هاش ۱۵۰ اورغ سهاج درقد کسلوروھن قارا صحابة یغ بیلغن داغکرکن
سکیتز ۱۲۰,۰۰۰.

نامون درقد بیلغن ترسبوت هاش سبیلغن کچیل سهاج یغ داغکف فقهاء سرتا
باقی مغلوارکن فتوی: یاءیت خلفاء الراشدین یغ امثت، ابن عمر، ابن مسعود، أم
المؤمنین عائشة، زید بن ثابت، أبو موسی الأشعري، أي بن کعب، معاذ بن جبل
دان عبد الله بن الزبیر.

قد زمان برایکوتش، یاءیت زمان تابعین میقسیکن قزلواسن کاوسن قیپیارن
إسلام قلباکای نکارا دان کوتا ۲ بسر قد کتیک ایت، مک دغن دمکین قرانن
قعاچرن اکام دان فتوی برالیه کقد قارا علماء درقد کلغن تابعین، تابع تابعین دان
ستروسن.

قندودوق دنکارا ۲ یغ بارو مملوق إسلام ایت تله سديا مغانوت قلباکای عقیده
دان اکام یغ تردیری درقد برباکای بودایا. سبهاکین درقد مریک یغ مغانوت اکام
إسلام جوک ماسیه ترباوا ۲ دغن فهمن دان کفرچایان مریک یغ لام، سمنتارا

سپهاکين يځ لاءين څولا مغانوت اسلام سچارا ظاهر سمات ۲ دغن توجوان مروسقکن اسلام دري دالم.

مک درځد سيني، تيمبول له کفرچاياءن ۲ يځ مپستکن، خصوصش دالم بيدځ عقيدة. مځمبرکن کاداءان اين، د. مجدي بسلوم مځاتاکن دالم بوکوځ (في بيان العوامل الخارجية لنشأة علم الكلام)

"سڅرتي يځ دکتاهوئي بهاوا دنکارا ۲ يځ بارو ماسوق دباوه څمريتهن اسلام ترداڅت قلباکاي کفرچاياءن اکام سرتا بودايا، ميثالځ اکام کريستيان دمصر، شام دان عراق سرتا افريکا، اکام يهودي دعراق دان اوتارا حجاز، ماناکالا دسباله څرسي دان نځري ۲ دپهاکين اسيا بارت ترداڅت اکام ۲ سڅرتي Zoroastrianism (الزرداشتيه)، Manichaeism (المانويه) دان Mazdakism (المزدکيه). څغانوت ۲ کفرچاياءن اين سوده تنتو ممباوا برسام ۲ مريک څغاروه ۲ لاءين سڅرتي فلسافه کريک يځ مرشقي څميکيرن ۲ يځ دباوا اوليه مريک"

تنتوله تيدق موده باکي مريک يځ بارو مملوق اسلام اونتوق ملقسکن ديري درځد څغاروه اجرن لاما يځ مريک انوتي، دسمځيغ ترداڅت جوک کولوغن يځ مغانوتي اسلام دغن توجوان مروسقکن دري دالم. کدوا ۲ کولوغن اين ملونترکن کدالم مشارکت فهمن ۲ لاما مريک يځ دچمڅور ادوقکن دغن اجرن اسلام، لالو لاهيرله اجرن بدعة

يغ مپستکن، خصوص دالم بيدغ عقيدة. اجرن اين دتونجولکن سباکاي اجرن
إسلام يغ برسومبرکن القرءان دان السنه. مشارکت عوام يغ ترده کهد سواسان
سقرتي اين برادا دالم کيغوغن اونتوق منتونک مان که اجرن يغ بئر دان مان که
اجرن يغ ساله.

ترداقت قولوهن اجرن بدعة يغ برايذر دتغه ۲ مشارکت إسلام قد کتيک ايت،
نامون دالم توليسن اين، ساي هاش اکن مپبوت ببراڤ فرقه اوتام، يغ مان ستياڤ
فرقه ترسبوت برچه قولو کهد برقولو ۲ فرقه، يغ ساتون مگاکفرن يغ لاین:

۱. **خوارج:** مروقان فرقه فرتما يغ ترکلوار درقد أهل السنة والجماعة. مريک
ترديري درقد سهاکين قغيکوت سيدنا علي رضى الله عنه يغ تيدق برستوجو
دغن کفوتوسن تحکيم اتاو قرداماین انتارا سيدنا علي دان معاوية، لالو کلوار
درقد الجماعة اتاو کومقولن ماجوري تي اومه دباوه قيمقين سيدنا علي. انتارا قکغن
مريک اياله:

۱. مغيکوم کافر ترهادڤ سيدنا علي، سيدنا عثمان دان سموا يغ تيدق
مغيکوت فهمن مريک؛

ب. اورغ يغ ملاکوکن دوسا بسر اداله کافر سرتا ککل دالم نراک؛

ج. مغياروسکن قننتغن برسنيات ترهادڤ قمرينته يغ مريک اغکڤ
ظالم.

ترداث ساتو کومقولن یغ ایکستریم دکالغن خوارج یغ دفعکیل البیهسیه. مریک بر فکغ
کقد فرینسیف :

(متی کفر الإمام کفر رعیتہ ایضا)

"مان ۲ قمرینته یغ مریک مع حکوم کافیر، مک رعیتش جوک منجادی کافیر"

مک دغن ایت مریک مع حلالکن داره قارا قمرینته دان رعیت یغ تیدق برسام
دغن مریک. اولیه یغ دمکین، سای بر فنداثت اداله ثقت اقایلا قیهک کسلامتن نکارا
مپناریکن ببرا ف کومقولن اجر ن سست سباکای انچمن کقد کسلامتن نکارا.

۲. معتزلة : فرقه معتزلة اداله مروفاکن کسینبوغن درقد قمیکیرن قدریه یغ

دسبوت دالم سبواه حدیث:

(القدریه مجوس هذه الأمة)

"قدریه اداله مجوسی اومت این (روایات البیهقی)"

مریک براعتقاد بهاوا سساورغ همبا ایت منچیتا اتاو منجادیکن (یخلق) اف ۲
یغ دلاکوکن اولیه؛ بوکن (کسب)، یعنی مغوسهاکن سقرتی مان فکغن اهل السنة.

مریک جوک براعتقاد بهاوا الله تیدق منچیتاکن کجاهتن (لم یخلق الشر). این
کران اکام مجوسی مفرچایای دوا توهن؛ یایت توهن چهای یغ مروفاکن توهن
کباءیقن، دان توهن ککلغن یغ مروفاکن توهن کجاهتن. دسیسی قغانوت مجوسی،

سکالا کجاهتن دچیتنا اولیه توهن ککلشن؛ ماناکالا الله سبحانه وتعالی مروفاکن توهن
چهای. اعتقاد سقرتی این کفور، کران برتنشن دغن فرمان الله سبحانه وتعالی ددالم
سورة الفلق آیات ۲:

(مِنْ شَرِّ مَا خَلَقَ)

"درقد کجاهتن یغ الله جادیکن"

۳. **المشبهة** : فواق این دناماکن مشبهة کران مریک مپروقاء ی الله دغن مخلوق.
مریک جوک دکدر مجسمه کران مغاناکن الله ایت برجیسیم، یکنی ممقویای
بنتوق سقرتی مخلوق. مریک ترهانی کهد بیراف فرقه انتارن:
(ا) سبائیة یغ ممقرتوهنکن سیدنا علی.

(ب) بیانیة یغ ممقرچایای توهن مریک برینتوق ماءنسی درقد سکی اغکوتا
دان اکن فناء اتاو موسنه کچوالی موک سهاج.
(ج) خطابیة یغ قرچای بهاوا إمام مریک اداله توهن.
(د) حلولیة یغ مپمبه إمام کران براعتقاد بهاوا الله منجلما دالم دیری قارا امام.

۴. **کرامیة** : یغ مندعوا کلام الله ممقویای سوارا دان حروف سقرتی کلام
ماءنسی.

۵. **باطنیة** : یغ تردیری درقد شیعة رافضة؛ ایت یغ برصفة غلو اتاو ایکسترم.
مریک براعتقاد بهاوا الله مغمبیل تمقت دالم دیری سیدنا علی، اولیه ایت

کتیک بردعا مریک میرو: یا علی! کولوغن این قد حقیقتن تردیری درقد قغانوت
مجوسی یغ مملوق اسلام سچارا ظاهر دغن توجوان منروسکن کفرچایان
مریک دغن برسیندوغ دسبالیق نام اسلام.

سقرتی یغ دسبوتکن داتس، اجرن یغ دسیبرکن ایت مروفاکن اجرن کفور یغ
میپیکن سساورغ ایت ترکلوار دری اکام اسلام.

مک دتغه ۲ ککچاموقن فهمن این مونچوله ساورغ توکوه یغ ممقوپای کماهرن
دالم بیدغ حدیث، عقیده دان الیرن قمیکیرن سماس، مغمبیل تگکوغجواب اونتوق
ممرسیهکن عقیده اسلام دری اجرن ۲ یغ میستکن.

بلیاو ایاله أبو الحسن الأشعري. بلیاو دلاهرکن قد تاهون ۲۶۰هـ/۸۷۴م،
دان منیثکل قد تاهون ۳۲۴هـ/۹۳۶م. سلسیله نسب سمشای کقد صحابه رسول
الله، أبو موسی الأشعري. الشیخ عمر کامل مغمبرکن کونچولن إمام الأشعري
سقرتی بریکوت:

"دنکارا ۲ یغ دیوک اولیه اومت اسلام وجود مذهب ۲ عقیده یغ کنجیل دسبیکن
وجودن قغانوت ۲ اکام دولو، سقرتی یهودی، نصرانی دان مجوسی. کولوغن این
مباوا برسام مریک قمیکیرن ۲ اکام یغ لاما، لالو منیمبولکن قریجن ۲ یغ مغلیروکن
مشارکت، سقرتی مسئله جبریة دان اختیاریة، قریجن ۲ یغ برکاءتین دغن صفة ۲

الله، قدر دان سباکاش. مک الله منتقدیرکن کونچولن إمام الأشعري بآني
 معکوهکن عقيدة إسلام یغ برسیه درقد عنصور ۲ بدعة دغن معکوناکن دلیل ۲
 درقد القرآن دان السنة ملالوئی قندکن سأمیغ انتارا عقلي دان نقلي
 (القرآن/السنة) یغ ممقو مغالهن کولوغن سست سقرتي معتزلة سرات ممبري
 کمنغن کقد أهل السنة والجماعة."

قد حقیقتن کونچولن إمام الأشعري تله دإشارتکن اولیه رسول الله صلی الله
 علیه وسلم دالم سبواه حدیث یغ دروایتکن اولیه ابن عساکر :
 (یقول ابن عساکر بسنده إلى عیاض الأشعري قال : لما نزلت (فسوف یأتي الله
 بقوم یحبهم ویحبونه) قال رسول الله صلی الله علیه وسلم : "هم قوم هذا"، فضرب
 بیده علی ظهر أبي موسى الأشعري ")

"ابن عساکر مروایتکن دغن سندن هیثک کقد عیاض الأشعري، کاتش :کتیک
 تورن ایات یغ برمقصود "مک الله اکن منداتغن ساتو قوم یغ ای کاسیهکن مریک
 دان مریک جوک کاسیهکن الله" (المائدة:54) . رسول الله صلی الله علیه وسلم
 برسبدا : "مریک ایاله قوم اورغ این"، لالو بکییدا منقوق تاغن کأتس بلاکغ أبو
 موسى الأشعري".

إمام الطبري دالم كتاب تفسير برکات:

(عن عیاض الأشعري قال: لما نزلت هذه الآية ، أو ما رسول الله صلى الله عليه وسلم إلى أبي موسى الأشعري بشيء كان معه فقال: هم قوم هذا) .
"درقد عیاض الأشعري کاتش: کتیک تورن ایت این (المائدة:54)، رسول الله صلى الله عليه وسلم منونجوقکن دغن سسوات یغ اد دتاغنن کاره أبو موسى الأشعري ، لالو برسبدا : مریک ایت ایاله قوم اورغ این"

فوجیان قارا علماء ترهاتف إمام أبو حسن الأشعري دان فکغن عقیده

بریکوت اداله فوجین دان قارا علماء کقد إمام أبو حسن الأشعري:

۱. قال الإمام أبي قاسم القشيري: (اتفق أصحاب الحديث على أن أبا الحسن علي بن إسماعيل الأشعري كان اماماً من أصحاب الحديث ومذهبه مذهب أصحاب الحديث، تكلم في أصول الديانات على طريقة أهل السنة، ورد عبي المخالفين من أهل الزيع والبدعة)

"أهل حديث شقاكت مغاتاکن بهاوا أبو حسن الأشعري اداله سآورغ إمام درقد امام ۲ أهل حديث، مذهب اداله مذهب أهل حديث، بلیاو منرغکن علمو أصول الدين مغيکوت جالن أهل السنة دان منجواب کولوغن یغ مپلیو یغ درقد أهل بدعة"

۲. قال الإمام السبكي: (شيخنا وقدوتنا إلى الله تعالى الشيخ أبو الحسن الأشعري البصري، شيخ طريقة أهل السنة والجماعة، وإمام المتكلمين، وناصر

سنة سيد المرسلين، والذاب عن الدين، والساعي إلى حفظ عقائد المسلمين...) (المسلمين...)

"مها كورو دان إيكون كيت دجالن مغل الله، شيخ أبو الحسن الأشعري، كورو بانكي جالن أهل السنة والجماعة، إمام بانكي علماء علمو الكلام، فنولوج دالم اوسها منككن سنة سيد المرسلين، دان اورغ يثغ براوسها ممليهارا عقيدة اومت إسلام..."

٣. قال الإمام الزبيدي: (هذه المسائل التي تلقاها الامامان أبو حسن الأشعري وأبو منصور الماتريدي، هي اصول الأئمة رحمهم الله تعالى؛ فالأشعري بنى كتبه على مسائل من مذهب الامامان مالك والشافعي، والماتريدي كذلك أخذها من نصوص أبي حنيفة)

"مسئله ٢ أصول يثغ دهورا يكن اوليه دوا إمام اين، أبو الحسن الأشعري وأبو منصور الماتريدي، اداله مسئله ٢ أصول يثغ دصحن اوليه علماء مذهب؛ إمام الأشعري مروموسكن توليسنش براساسكن اف يثغ دجشن اوليه إمام مالك دان الشافعي، دان إمام الماتريدي جوكن مغمبيلش دري نص ٢ أبو حنيفة"

وقال الإمام الزبيدي: (إذا أطلق - أهل السنة والجماعة - فالمراد بهم الأشاعرة والماتريدية)

"اقابيل دسبوتكن أهل السنة والجماعة، مك يثغ دمقصودكن اداله كولوغن الأشاعرة دان الماتريدية"

٤. قال الإمام المجتهد - سلطان العلماء - عز الدين بن عبد السلام: (واعتقاد الأشعري رحمه الله مشتمل على ما دل عليه أسماء الله التسعة والتسعون).
(عقيدة الأشعري أجمع عليها الشافعية والمالكية والحنفية وفضلاء الحنابلة)
"أصول عقيدة يثغ دروموسكن اوليه إمام الأشعري منغاندوغي سموا فثرتين
يغ ترداقت دالم اسماء الحسنى يثغ سمبيلن قولوه سمبيلن . فكثغن إمام
الأشعري دتريما اوليه إجماع سلوروه علماء شافعي، مالكي، حنفي، دان
علماء اوتام مذهب حنبلي"

٥. قال العلامة ابن عابدين: (أهل السنة والجماعة هم الأشاعرة والماتريدية)
"أهل السنة والجماعة اداله كولوغن الأشاعرة دان الماتريدية"

٦. قال حافظ الشام ابن عساكر في تبين كذب المفتري (هل من الفقهاء الحنفية
والمالكية والشافعية إلا موافق للأشعري)
"تياد مان-مان علماء فقه مذهب حنفي، مالكي دان شافعي ملائكن
كسموا مريك سفاكت منريما فكثغن عقيدة إمام الأشعري"

٧. وقال الإمام البيهقي عن الفضيلة الجليلة للإمام أبو الحسن الأشعري: (فهو من
قوم أبي موسى وأولاده الذين أوتوا العلم ورزقوا الفهم مخصوصاً من بينهم بتقوية
السنة وقمع البدعة بإظهار الحجة ورد الشبهة)

"إمام أبو الحسن الأشعري اداله درقد قوم أبو موسى الأشعري دان انق-انقش
 یغ دانوکرهکن علمو دان فهمن خصوص دالم ممشرتکوهکن فکثن أهل السنة
 دان ممبنترس کولوغن بدعة دشن منظاهیرکن حجة دان منولق ککلیروان یغ
 دتیبولکن"

دري فندغن قارا علماء یغ دفاقرکن داتس تریات بهاوا کولوغن برفهمن بدعة یغ
 برچغکه دشن فکثن أهل السنة والجماعة سفرتي کولوغن سلفية وهابية ترکولوغ دالم
 کومقولن "شاذ" اتاو ترفنچیل سفرتي یغ دسبوتکن دالم سبواه حدیث روایة إمام
 البخاري:

(وَمَنْ شَذَّ شَذَّ إِلَى النَّارِ)

"دان سسیقا یغ منچیلکن دیری دری فکثن کولوغن اومت ترسیر، ترفنچیل
 ای کدالم نراک"

ولي الأمر سباکاي توغق یغ اساس دالم فکثن أهل السنة والجماعة

انتارا فرکارا اساس دالم فکثن أهل السنة والجماعة ایاله بهاوا سلطان سباکاي ولي
 الأمر مقوپای کدودوقن یغ تیغکی دان فنتیغ دالم ستروکتور کقیمین اومت. اولیه
 سبب ایت، کطاعتن کفد مریک دلتقکن قد کدودوقن یغ کتیک سلش الله دان
 رسولش، سفرتي یغ ترداقت دالم سورة النساء آیات ۵۹:

يَا أَيُّهَا الَّذِينَ ءَامَنُوا أَطِيعُوا اللَّهَ وَأَطِيعُوا الرَّسُولَ وَأُولِيَ الْأَمْرِ مِنْكُمْ

"واهائي اورغ ۲ یغ بر ایمان طاعتله کامو کهد الله دان طاعتله کامو کهد رسول الله دان کهد ولي الأمر (اورغ یغ برکواس) درقد کالغن کامو"

ایات داتس مٹکمبرکن ستروکتور سسبواه مشارکت اسلام یغ قوات دان برساتو؛ یاءیت الله، رسول دان ولي الأمر. کتیک ۲ این دایکت دغن ساتو ایکتن، یاءیت کطاعتن دالم منجالني کھیدوئن برمشارکت دان برنکارا.

درقد سینيله شرع مواجبکن سسبواه مشارکت اسلام منکفکن قمرینتنه بانی مغانور کھیدوئن مریک، سقرتی یغ دجلسکن اولیه ابن جماعه:

(یجب نصب مام یقوم بحراسه الدین و سیاسته أمور المسلمین و کف ایدي المعتدین و انصاف المظلومین....، فإن الخلق لا تصلح أحوالهم إلا بسلطان مطاع یقوم بسیاستهم ویتجرد لحراستهم)

"واجب ملتئق کتوا قمرینتنه یغ برتغکوئجواب منجاک اکام دان منتدبیر اوروسن اومت، مپکت انچمن فنچروبو، ممبری کعادیلن بانی یغ دظلمي، کران کسلامتن دان کشتیغن رعیت تیدق داقت دقلیهارا ملائینکن دغن وجودش قمرینتنه یغ دطاعتي بانی منجالنکن فوغسي قمرینتنه دان منجاک کسلامتن مریک"

سلائين درقد فوغشي ۲ داتس، متلامت ترقتيغ درقد كوجودن ولي الأمر اياله
باكي مملهارا قرقادوان امة. سبب ايت دالم ببراف نص حديث، قمرينته دسبوت
سباكاي الجماعة سقرتي حديث ۲ بريكوت :

(عليكم بالجماعة، وإياكم والفرقة...) (رواه الترمذي)
"هندقله كامو براد برسام الجماعة، دان جاءوهيله قرقچهن"

(الجماعة رحمة، والفرقة عذاب) (رواه أحمد)
"الجماعة ايت ممباوا رهمة، ماناكالا قرقچهن معوندغ عذاب"

(من أراد بحبوة الجنة فليلزم الجماعة)
"سسياقا يغ ايخين براد دتغه ۲ شرک، مک هندقله اي براد برسام الجماعة"

إمام الطبري كتيك منجلسكن معنا الجماعة دالم حديث ۲ د اتس مپاتاكن:
(إن المراد من الخبر لزوم الجماعة الذين في طاعة من اجتمعوا على تأميره) (فتح
الباري: ۱۳ / ۳۷)

"سسوغكوهش يغ دمقصودكن دغن برسام الجماعة دالم حديث اياله برسام
كومقولن اومت يغ برفاكت دالم منطاعتي اورغ يغ داغكت منجادي قمرينته"

دتمقت یغ لاءین امام الطبری میاتاکن لاکي:

(الجماعة السواد الأعظم)

"الجماعة ایاله کومثولن اومت تربسر"

منوروت امام السرخسي:

(جماعة المسلمين أهل المنعة حیثا كانوا) (شرح السير الكبير)

"جماعه اومت اسلام ایاله مریک یغ ممیلیقی کقواتن اونتوق ممقرتاهنکن نکارا

دان اومت د مان جوا مریک براد"

درقد هوراین د اُتس دافت دسیمثولکن بهاوا "تالي الله" یغ دسبوت دالم
سورة ال عمران دالم ایات ۱۰۳ داتس تردیری درقد تیک کومثونن : الله، رسول
دان اولي الأمر سفرتي یغ دترعکن دالم سورة النساء ایات ۵۹. کتیک-تیکش تیدق
دافت دقیسهکن درقد کهیدوثن براکام اتاو 'تدین' دالم راغک منوجو کریضائن الله
سبحانه وتعالی.

ماله ایان مروفاکن انتارا وصیت رسول الله تراخیر کتیک حجة الوداع سفرتي

یغ دروایتکن اولیه امام احمد، ترمذی دان ابن حبان:

(اتَّقُوا اللَّهَ، وَصَلُّوا خَمْسَكُمْ، وَصُومُوا شَهْرَكُمْ، وَأَدُّوا زَكَاةَ أَمْوَالِكُمْ، طَيِّبَةً بِهَا أَنْفُسُكُمْ،

وَأَطِيعُوا أَمْرَاءَكُمْ، تَدْخُلُوا جَنَّةَ رَبِّكُمْ)

"برتقوله کامو کهد الله، تونا یکن صلاة لیم وقتو، برقواساله قد بولن رمضان،
تونا یکن زکاة هرتا کامو، دغن هاتي یغ اخلاص دان طاعتیه قارا قمرینته کامو،
قستی کامو اکن ماسوق کشرک توهن کامو"

دانتارا کتیکا-تیک کومقونن تالی الله این، یغ سنتیاس براد برسام اومت سچارا
پات ایاله والی الأمري یغ انتارا فوغشین اداله سباکای ققسی کهد فرقادوان یغ
دتونتوت دالم القرآن دان السنة. مریک تردیری درقد مائسی بیاسا یغ ترده کهد
قلباکای کلمهن دان کسیلغن.

نامون دمکین کوجودن مریک اداله فرض کفایة دی مصلحت کهیدوقن دان
فرقادوان اومه. مک برتولق درقد حقیقت این، نص ۲ شرع سنتیاس مغيغتکن اومت
تننغ کغنتیغن کولوغن این سرتا مرتبت دان کدودوقن یغ دتنتوکن اولیه الله سرتا
ادب ۲ دان کواجیغن ترهادف مریک. برایکوت این دفتورونکن حدیث ۲ تننغ
هوبوغن اومت دغن والی الأمري:

(السلطانُ ظلُّ الله في الأرض، فمن أكرمه أكرمه الله، ومن أهانه أهانه الله)
(رواه الترمذي)

"سلطان ایاله قلیندوغ دری الله دموک بومی؛ مک سسیاقا یغ ممولیاکنش،
الله اکن ممولیاکن دی، دان سسیاقا یغ مغيهناش، ای اکن دهینا اولیه الله"

(من أذل سلطانا ملكه الله في الأرض، أذله الله في الدنيا والآخرة) (رواه الترمذي)

"سسیاڤا یغ مڤهینا مان ۲ سلطان یغ الله تنتوکن سباکای قمرینته دبومي،
قستی الله مڤهینا دي ددنيا دان دأخيرة"

(على المرء المسلم السمع والطاعة فيما أحب وكره إلا أن يؤمر بمعصية؛ فإن أمر بمعصية فلا سمع ولا طاعة) (رواه البخاري ومسلم)
"واجب کأتس ستیاف مسلم مندشر دان منطاعتي والي الأمری، سام اد اي سوک اتاو تیدق، سلاکي اي تیدق دقرینته ملاکوکن معصية؛ اڤابیلای اي دقرینته بربوات معصية، مک تیدق واجب دطاعتي (قرینته معصية ترسبوت)"

(مَنْ فَارَقَ الْجَمَاعَةَ وَخَرَجَ مِنَ الطَّاعَةِ فَمَاتَ فَمِيتُهُ جَاهِلِيَّةٌ) (رواه مسلم)
"سسیاڤا یغ برقیسه درقد جماعة یغ ممرینته دان ملاکوکن تیندقن یغ برتنتغن دغن کطاعتن، ماتي اي سقرتي کأداءن ماتي جاهلیة"

إمام غزالي رضى الله عنه اد مڤوغکڤکن کات ۲ یغ مڤکمبرکن هوبوغن کڤنتیغن انتارا اکام دان سلطان سقرتي برایکوت:
(الدين أَسُّ والسلطان حارس، فما لا أَسُّ له فمهدوم، وما لا حارس له فضائع)
"اکام اداله اساس، سلطان اداله قڤاول؛ مک سسواتو یغ تیدق اد اساس اکن رونتوه، دان سسواتو یغ تیدق اد قڤاول اکن هیلغ"

مک دالم کونتيکس نکارا کيت، فغاوول ايت اياله راج ۲ ملايو. اينله يڭ برلاکو سڃق اسلام ماسوق کتانه ملايو سهيڭک کهاري اين. دان اقايبلا کيت برچاکف تنتغ فرقادوان اومت، ايتوله جوک ترسش. مک دغن ايت داقت دروموسکن بهاوا درقد قادوان انتارا بغسا ملايو دان راج ۲ ملايو اکن تربنتوق کقواتن يڭ ممقو ممرتاهنکن اکام اسلام دان نيلاي-نيلاين يڭ مها سوجي دسشنجغ زمان.

أهل السنة والجماعة اداله کومقولن يڭ ترسلامت داخيرة (الفرقة الناجية)

بکيندا رسول الله صلى الله عليه والسلام دبري قلباکاي معجزة يڭ منجادي تندا کبنرنش سباکاي رسول الله صلى الله عليه والسلام. انتارا معجزة ترسبوت اياله ممبريتاهو فرکارا ۲ يڭ اکن ترجادي قد ماس هادقن دان کودينش بر ۲ ترجادي. انتاراش اياله فرقچهن يڭ اکن ترجادي دالم کالغن اومت دالم قمهن اکام کقد لبيه درقد توجوه قولوه قواق. کسمواش اکن ماسوق نراک کچوالي ساتو کومقولن سهاج، ياءيت ”الجماعة“. منوروت إمام الطبري، الجماعة اياله ’السواد الأعظم‘، ياءيت کومقولن يڭ ترسر درقد کسلوروهن اومت اين. کومقولن ترسبوت اياله أهل سنة والجماعة.

إسلام دنکارا کيت سڃق اول کماسوقن برقسسيکن کقد فکغن أهل سنة والجماعة دغن عقيدة برسومبرکن القرآن دان السنة سقرتي يڭ دروموس دان دسوسون اوليه إمام أبو الحسن الأشعري دان إمام أبو منصور الماتريدي، سرتا برقکغ کقد حکوم ۲ عملن اتاو فقه سقرتي يڭ داجتهادکن اوليه فارا مجتهدين درقد فقهاء امقت مذهب يڭ معتبر دسيبي جمهور علماء.

أهل سنة والجماعة دغن فثرتين داتس منقتي كولوغن السواد الأعظم اتاو
كولوغن اومت تربسر سقرتي يغ ترسبوت دالم سبواه حديث روایت إمام احمد دان
ابن ماجه:

(إن أمتي لا تجتمع على ضلال فإذا رأيتم اختلافا فعليكم بالسواد الأعظم)
"سسوغكوهش اومتكو تيدق اكن برسفاكت دالم فركارا يغ سست؛ اقابلا كامو
مليهت اد فرسليسپهن دالم فهمن، مك هندقله كامو براد برسام كومثولن اومت
تربسر"

إمام النووي دالم منشرحكن حديث اين بركات:
(أي فعليكم بالسواد الأعظم من أهل الإسلام، أي الزموا متابعة جماهير
المسلمين، فهو الحق الواجب والفرض الثابت الذي لا يجوز خلافه؛ فمن خالف
مات ميتة جاهلية)

"يعني هندقله كامو براد برسام كومثولن تربسر درقد اومت إسلام، مقصودش
تنف مئيكوت كومثولن تربسر قوم مسلمين؛ كران اي مروفاكن كبرن يغ
واجب دان فرض يغ تنف يغ تيدق دبركن مپالهي. مك سسياقا يغ مپالهي
فكغن كولوغن السواد الأعظم، ماتين سقرتي ماتي جاهلية"

دالم سبواه حديث روایت إمام مسلم، رسول الله برسبدا:
(من فارق الجماعة وخالف الطاعة مات ميتة جاهلية)

"سسیاڤا یغ برڇه درڦد الجماعة دان ملڻکر کواچین طاعة، ماتین سڦرتي
ماتي جاهلیة"

إمام الطبري کتيک منتفسي رکن مقصود الجماعة دالم حديث اين مپاتاکن بهاوا
مريک یغ برڇه درڦد الجماعة دغن ڦڦرتين السواد الأعظم، مځمبيل ريسیکو
ترڦنچيل کدالم نراک، سڦرتي یغ دسبوت دالم سبواه حديث رواية إمام البخاري:
(ويد الله مع الجماعة، ومن شذ شذ إلى النار)
"دان ڦرتولوغن الله برسام الجماعة سسیاڤا یغ برڇه درڦد الجماعة، ترڦنچيل
اي کدالم نراک"

دمکينله هوراین ڦارا علماء مځنءي کومڦولن اومت تربرس اتاو السواد
الأعظم: سیاڤا که ایکوتن کيت؟ علماء ڦواريت نبي؟ اتاو مريک یغ باچ کتاب ڦون
ساله؟

دوکتور طارق محمد السويدان سآورځ ڦڦکاچي دري کويت دالم کاجينڻ
مځنءي تاريخ اسلام دان کدودوقن اومت اسلام کيني مپاتاکن بهاوا براساسکن
ڦنليتینڻ، أهل السنة والجماعة یغ ترديري درڦد الأشاعرة دان الماتريدية ممبنتوق
۹۵ ڦراتوس درڦد کسلوروهن اومت.

منوروت دوکتور علي جمعة، منتن مفتي مصر، کولوغن یغ مندوکوغ فهمن شاذ برجومله ۳ قراتوس سهاج. تیمبول فرسوءالن دسیني، باکایمان دغن جومله یغ بکیتو کچیل کولوغن این بولیه مٹکمقرکن سواسان دمان سهاج مریک براد؟ فقاته عرب مٹاتاکن،

(إذا عرف السبب بطل العجب)

”اڤایلا سبب سسواتو کجادین ایت دکتاهوئی، هیلغله راس تعجوب“

رسول الله صلى الله عليه والسلام تیدق منیغکلکن کیت ملائینکن ستله ممبري قندوان یغ چوکوف کقد اومت اونتوق تروس استقامه اُتس جالن یغ حق دتغه ۲ سیغ سیور جالن یغ بولیه مغلیروکن. دالم سبواه حدیث روایت إمام الترمذي بکیندا برسبدا:

(يد الله مع الجماعة، والشيطان مع من خالف یرکض)

”قرتولوغن الله برسام الجماعة (کومثولن اومت تربرس)؛ ماناکالا شیطان منوغکغ برسام مریک یغ مپالهی الجماعة“

فرکاتان (یرکض) دالم بهاس ایغکریس دسبوت “gallop”. حدیث این دغن جلس منرغکن بهاوا شیطان سنتیاس ممچوت اتاو “gallop” برسام کولوغن یغ منجالنکن ککیاتن یغ بولیه ممچه بله اومت. این کران ستله تیدق لاکي برجای میسوغکن اومت سوقایا مپمبه سلااین الله، مک شیطان برالیه منومثوکن

هاسوتن کأره ممچه بله مشارکت دان اومت، سقرتي یغ ترسبوت دالم سبواه
حدیث روایت إمام مسلم :

(إن الشيطان قد یئس أن یعبده المصلون فی جزیرة العرب، ولكن فی
التحریش بینهم)

"سسوغکوهش شیطان تله برقوتوس اسا اونتوق مغماسوت سوقایا اورغ۲
یغ صلاة میمبش دسمنجوغ عرب؛ تتافی ای تیدق برقوتوس اسا اونتوق
مغماسوت سوقایا برلاکو قرچچهن دکالغن مریک"

انتارا دلیل یغ دغن جلس دان ترغ منونجوقکن کبزن فکغن أهل السنة والجماعة
ایاله حدیث روایت إمام احمد:

(لتفتحن القسطنطينية فلنعم الأمير أميرها ولنعم الجيش ذلك الجيش)
"کامو (اومت اسلام) قستی اکن ممبوک کوتا کونستنتینوغل، قمرینته یغ قالیغ
باءیق ایاله قمرینته یغ مناون بندر این، دان تنترا یغ ترباءیق ایاله تنترا
ترسبوت"

قمرینته دان تنترا یغ مناون کوتا کونستنتینوغل تردیری درقد مریک یغ برقکغ
دغن عقیده اسلام مگیکوت منهج الماتریدیه دان الأشاعرة.

ماناکالا دالم بیدغ فقه قولاً تردیری درقد قعیکوت مذهب حنفی دان شافعی
دان قشعمل تصوف سنی دالم بیدغ تربیه روحیه . تیاد درقد مریک کولوغن یغ

مندوکوڅ فهمن شاذ سقرتي وهايه سلفيه دان سباکايښ. فوجين رسول الله صلى الله عليه والسلام ترهادف قميشين دان فاسوقن تنترايڅ مناون کوتا کونستنتينوڅل اين منونجوکڼ بهاوا څکڼن اهل السنة والجماعة يڅ برڅقسيکن کڅد اليرن الاشاعرة دان الماتريديه، سرتا منهج امام ۲ مذهب يڅ امځت مروڅاکن څکڼن يڅ حق سقرتي يڅ ترکاندوڅ دالم حديث ۲ يڅ دهورایکن سبلوم اين.

فهمن شاذ يڅ برتننڅن دڅن څکڼن اهل السنة والجماعة تيدق وجود کران تله دهاڅوسکن اوليه قارا څمريته کتيک ايت. تنافي ستله بریتيش دان اميریکا منجادي کواس بسر، کدوا-دوا کواس اين دڅن ددالڅي اوليه څرتوبوهن زيونيس انتارابغسا مڅهيدوڅکن کبالي فهمن اين دڅن توجوان مچه بلهکن مشارکت دان اومت اسلام. څرکارا اين داڅوئي اوليه څوترا مڅکوتا محمد بن سلمان دالم ساتو تمو بوال دڅن ”The Washington Post“ ۲۲ مچ ۲۰۱۸:

“The Saudi funded of Wahabism began as a result of Western countries asking Riyadh to help counter the Soviet Union during The Cold War”.

ترجمهن :

" قیپیارن فهمن وهابی یغ دیبایای اولیه ریاض برمولا ایکورن قرمینتآن نکارا-
نکارا بارت باکی توجوان ممبتو دالم ملنچرکن سراغن بالس ترهادف سوفیایت
اونیاون کتیک ایرا قرغ دیغین"¹

کیاتان قوترا مھکوتا محمد این ممبرکن اف یغ قرنه دسبوت اولیه المرحوم
دوکتور محمد سعید رمضان البوطی، سآورغ علماء ترکوک دری سربا دالم سورت
برتولیس تاغن سباکای جواغن کفد قیق یغ برتاش. برایکوت این قیقن درقد سورت
ترسبوت:

(أما الدعاة الوهابيون الذين يأتونكم من السعودية فاحذروا منهم كل الحذر فإنهم
دعاة فتنة تستخدمهم الجهات الاستعمارية والتبشيرية للإيقاع بين المسلمين... وأن

¹ فکتا این مبري کیت ساتو کسینولن بهاوا واغ یغ دتریا اولیه قارا قندعیه وهابی اداله حاصیل
سومبغن امریکا یغ تو دالغن ایاله قرتوبوهن یهودی انتارا بغسا زیونیس. اداله تیدق ماسوق عقل نکارا
کواس بسر سقرتی امریکا مینتا سکوتون ملاکون سسوات باکی قیقن دغن ایر لیور سهاج. سبالیقن
ای سوده تننو دسرتای دغن سوکوغن کواغن. درقد سینی کیت داقتی کولوغن یغ ماکن دویت
یهودی این سوکر سکالی اونتوق کمالی کفد جالن اهلی سنة والجماعة. این ممبرکن کات ۲ إمام سفیان
الثوري:

(البدعة أحب إلى إبليس من المعصية، فإن المعصية يتاب منها، والبدعة لا يتاب منها)
"بدعة لیه دسوکای اولیه ابلیس درقد معصية، کران فلاکو معصية لیه موده برتوبه، سدغن
اهلی بدعة سوکر اونتوق برتوبه".

أنشطتهم في البلاد الإسلامية مرتبطة بتعليمات سرية تأتي من حكومة الولايات الأمريكية المتحدة)

"اداقون قارا قندعوه وهابي يث داتغ دري عرب سعودي، مك برهاتي-هاتيله ترهادف مريک، کران مريک اداله فيرو ۲ کشف فتنه يث دفرکوناکن اوليه فييق ۲ قنجاهه دان مبلغ کريستيان اونتوق ممجهلهمکن اومت اسلام دان ککياتن ۲ مريک دنکارا ۲ اسلام برداسرکن ارهن ۲ سوليت يث داتغ درقد کراجاءن اميريکا شريکت" ۲

دلوار نگارا، مريک منداقت سوکوغن دانا يث بسر درقد فييق فرتوبوهن يهودي زيونيس باکي مپيرکن فهمن دان قمیکيرن يث بوليه منيبولکن فرچهن دالم کالغن مشارکت دان اومت اسلام. فريبنچن برکاءيتن دغن اهل سنة والجماعة تيدق سام سکالي برتوجوان اونتوق منع سورق اتاو "کلامور"، تتاي اونتوق مستيکن کيت استقامة داتس لندسن يث حق دان بر دغن يقين، کران دسينيله اکن منتوکن هبوان کيت داخيرة سام اد اياش "فوزا عظيما" "کمنغن يث بسر" برداسرکن سورة الفتح ايات

^۲ اف يث دسبوت اوليه المرحوم دوکتور محمد سعيد رمضان البوطي اين سلاري دغن کپاتان يث دکلوارکن اوليه جابتن فرتاهنن امريکا فينتاکون (Pentagon):

(We support the Salafist call in the Middle East and we support the Kingdom of Saudi Arabia in that and its scholars, Saleh Al- Fauzan and Rabb Al-Madkhdi)

"کيت مپوکوغ دعوه سلفي دتيمور تغه، دان کيت جوک مپوکوغ کراجاءن عرب سعودي دالم اوسها مريک مندوکوغ کرغن اين سرتا علماء مريک سقرتي شيخ صالح الفوزان دان ربيع المدخلي".

۵ اتاو "خسرانا مبینا" "کروکین یغ پات" برداسرکن سورة النساء ايات ۱۱۹. تباد
قیلین کتیک.

اونتوق توجوان این قرلو دفتیکن دماناکه تافق کیت برقیجق، سام اد سنة
اتاو بدعة. تافق بدعة مروفاکن لمبه بنچان، کران اهل بدعة تیدق دتریم عملن شقري
دسبوت دالم حدیث روایت ابن ماجه:

(لا یقبل الله تعالى لصاحب بدعة صوما ولا صلاة ولا صدقة ولا حجا ولا عمرة
ولا جهادا)

"الله سبحانه وتعالى تیدق اکن تریم درقد اهل بدعة قواسا، صلاة، صدقه،
حج، عمرة دان جهاد"

ماله توبة جوک تیدق دتریم، شقري یغ تردافت دالم حدیث روایت إمام بیهقی:
(إن الله حجز التوبة عن كل صاحب بدعة)

"سسوغکوهش الله سبحانه وتعالى هالغ توبة درقد ستیاف اهل بدعة"

اولیه یغ دمکین کفرلوان ممستیکن کیت براد دالم لمبه سنة مروفاکن سسواتو یغ اوتام
دان اساسی، شقري دپاتاکن دالم اثر برایکوت این:

قال ابن مسعود: (الاقتصاد في السنة خير من الاجتهاد في البدعة)

"عملن یغ سدرهان دالم سنة لویه باعیق درقد ملاکون عملن سچارا برسوغکوه
دالم بدعة"

وقال الحسن: (عمل قليل في سنة خير من عمل كثير في بدعة)

"عملن یغ سدیکیت دالم سنه لویه بائق درقد عملن یغ بائق دالم بدعه"

دسینی کیت کتاهوئی بتاف فنتیغش فهامن دان فکاغن اهل السنة والجماعة یغ دینچچکن سبلوم این. ایات (تعقلون) یغ مروجوع کقد فغکونان عقل داؤلغ لویه درقد ۲۰ کالی دالم القراءان. این منونجوقکن بهاوا قرانن عقل بکیتو فنتیغ دالم منچاری کبزن دسمفیغ وحی. تله دسبوتکن سبلوم این بهاوا اهل السنة والجماعة ممبنتوق ۹۵ قراتوس درقد کسلوروهن اومت. سیوکیا دایغت بهاوا سموا علماء معتبر دالم علوم اسلامیة، سقرتی فقه، اصول الدین، تفسیر، حدیث، اهلی تصوف، علمو بهاس دان ستروسش اداله درقد فکاغن اهل السنة والجماعة. کتاب ۲ یغ مریک کارغ منجادی روجوکن اومه سهیغک هاری قیامة دغن ایذین الله. تتافی تیدق وجود علماء معتبر دالم قلباکای بیدغ علمو اسلام درقد کالغن کولوغن شاذ سقرتی وهاییه سلفیه دان سباکایش.

درقد سینیه فنتیغش قرانن عقل دالم منتوکن دتافق ماناکه کیت برقیجق، سقرتی فرمان الله سبحانه وتعالی دالم سورة الطور ایات ۲۱:

كُلُّ اَمْرٍ بِمَا كَسَبَ رَهِينٌ

"بالسن باکي ستیاف اورغ دتنتوکن مگیکوت عمل قیلینش"

جادی، اف قیلین کیت؟ منع سورق د دنیا، تافی داخیره ملافتاک؟ فقاته حکماء عرب مغاناکن:

(لقد أَعَذَرَ مَنْ أُنْذَرَ)

"اورغ یغ ممبری قرايغتن تیدق بولیہ دفرسالهکن کران تیدق مغيغتنکن"

(وفقنا الله جميعا إلى ما يحب ويرضى)

"سموئ الله ممبری توفیق کفد کیت سمو کجالن یغ دکاسیهی دان دریضائی

اولیہش"